


兩墨軒印攷漫存



兩疊軒印攷漫存

卷七



兩疊軒印攷漫存 卷七

一

右印文曰顏何按史記仲尼弟子列傳顏何字冉注鄭立
曰魯人朱氏曝書亭集孔子弟子攷魯顏何字子冉史記
有家語無唐開元二十七年從祀贈開陽伯宋大中祥符
二年封堂邑侯明弘治元年少詹事程敏政請正祀典疑
秦冉顏何字畫相近之誤而罷其配

國朝雍正二年奉

旨復祀稱先賢顏子此印形制篆文俱極古楸洵為三代
遺物合弁諸印之首

兩轡軒印攷漫存

卷七

二

右印文曰張良按張良字子房韓人其先五世相韓秦滅
韓良家僮三百人弟死不葬悉以家財求客刺秦王爲韓
報仇後佐高帝定天下卒滅秦詳見漢書列傳






兩疊軒印攷漫存

卷七

三

右印文曰呂通之印按漢書外戚傳曰后立周呂侯子台
爲呂王台子通爲燕王





兩疊軒印攷漫存

卷七

四


右印文曰王市臣印按漢書高惠高后文功臣表杜衍嚴
侯王翥下孝文五年孝侯市臣嗣七年薨

兩疊軒印攷漫存

卷七

五

右印文曰劉勝私印按漢書中山靖王勝以孝景前二年
立有子百二十餘人景帝第九子也又東漢有劉勝字季
陵太守王昱稱爲清高士



右印文曰董仲舒按董仲舒廣川人少治春秋孝景時爲博士武帝即位舉賢良文學之士前後百數仲舒以賢良對策爲江都相復相膠西兩王皆驕膠西尤縱恣仲舒正身以率下數上疏諫爭教令國中所居而治及去位歸居終不問家產業以修學著書爲事朝廷如有大議使使者就問之其對皆有明法對策推明孔氏抑黜百家立學校之官州郡舉茂材孝廉皆自仲舒發之年老以壽終於家所著皆明經術之意及上疏條教凡百二十三篇而說春秋事得失聞舉玉杯蕃露清明竹林之屬復數十篇十餘萬言皆傳於世元至順元年從祀兩廡明洪武二十九年



封江都伯成化二年改封廣川伯嘉靖九年改稱先儒董
子見史記及漢書

兩畧軒印攷漫存

卷七

七

兩轡軒印攷漫存

卷七

八

右印文曰石奮私印按石奮其父趙人也趙亡徙溫高祖東擊項藉過河內時奮年十五爲小吏高祖愛其恭敬家貧有姊能鼓瑟高祖召爲美人徙其家長安中戚里奮積功勞孝文時官至太中大夫張相如爲太子太傅免選可爲太子太傅者皆推奮及孝景即位徙奮爲諸侯相長子建次甲次乙次慶皆以駟行孝謹官至二千石於是景帝曰石君及四子皆二千石人臣尊寵迺舉集其門凡號奮爲萬石君前書有傳





兩轡軒印攷漫存

卷七

九

右印文曰夏寬按漢書儒林申公傳有膠西內史夏寬以
廉節稱





兩巖軒印攷漫存

卷七

十

右印文曰胡常印信按胡常字少子漢書儒林傳孔氏有古文尙書孔安國以今文字讀之因以起其家安國爲諫大夫授都尉朝朝授膠東庸生庸生授清河胡常以明穀梁春秋爲博士部刺史



兩疊軒印攷漫存

卷七

十一

右印文曰王遂之印按漢書元皇后傳田氏至和有齊國
三世稱王至王建爲秦所滅項羽起封建孫安爲濟北王
漢興安失國齊人謂之王家因以爲氏文景間安孫遂字
伯紀處東平陵卽武帝時繡衣御史王賀之父也



兩魯軒印攻漫存

卷七

十二

右印文曰張武之印按張武敞弟拜爲梁相是時梁王驕
貴民多豪強號爲難治敞問武欲何以治梁武敬憚兄歉
不肯言敞使吏送至關戒吏自問武武應曰馭黠馬者利
其御策梁國大都吏民凋敞且當以柱後惠文彈治之耳
吏還道之敞笑曰審掾言武必辨治梁矣武既到官其治
有迹亦能吏也附見張敞傳又東漢有張武見後漢書一
百十一卷

兩鬯軒印文漫存

卷七

十三

右印文曰張羽私印按漢書韓安國傳景帝時吳楚反梁
孝王使韓安國張羽爲將扞吳兵於東界張羽力戰安國
持重吳不能過梁吳楚破安國張羽名由此顯




兩鬢軒印攷漫存

卷七

十四

右印文曰兒寬之印按兒寬千乘人治尙書事歐陽生以
郡選詣博士受業孔安國貧無資用嘗爲弟子都養時行
賃作帶經而鉏休息輒讀誦其精如此以射策爲掌故功
次補廷尉文學卒史張湯爲御史大夫以寬爲掾舉侍御
史見武帝語經學帝說之從問尙書一篇擢爲中大夫遷
左內史後拜御史大夫居位九歲以官卒漢書有傳





兩疊軒印攷漫存

卷七

十五

右印文曰尹賞按尹賞字子心鉅鹿楊氏人見漢書酷吏傳




兩魯軒印攷漫存

卷七

十六

右印文曰王尊私印按王尊字子贛涿郡高陽人也少孤
歸諸父使牧羊澤中尊竊學問能史書後官至光祿大夫
守京兆尹漢書有傳



兩壘軒印攷漫存

卷七

十七

右印文曰陳萬年印按萬年字幼公沛郡相人性廉平內
行修飭以高第入爲右扶風遷太僕丙吉嘗薦于宣帝後
至御史大夫



兩龔軒印攷漫存

卷七

十六

右印文曰田信按史記張湯傳有田信隋書田式之子亦
名信



兩疊軒印攷漫存

卷七

右印文曰于定國印按前漢書定國字曼倩東海鄉人

九



兩齋軒印次漫存

卷七

右印文曰王朝之印按王朝齊人見史記酷吏張湯傳



子

兩疊軒印次漫存

卷七

三

右印文曰王陽按漢書王吉傳吉字子陽琅邪人與貢禹
爲友世稱王陽在位貢公彈冠又王尊儀尊遷益州刺史
先是琅邪王陽爲益州刺史行部至邛邰九折阪歎曰奉
先人遺體奈何數乘此險後以病去及尊爲刺史至其阪
問吏曰此非王陽所畏道邪吏對曰是尊叱其馭曰驅之
時人謂王陽爲孝子王尊爲忠臣王陽即王吉也




兩疊軒印攷漫存

卷七

三

右印文曰王訢之印按前漢書王訢濟南人以郡縣吏積
功稍遷爲被陽令繡衣御史暴勝之還朝薦爲右輔都尉
守右扶風昭帝時爲御史大夫代車千秋爲丞相封宜春
侯明年薨諡曰敬侯子譚嗣與謀廢昌邑王立宣帝益封
三百戶子咸嗣自訢傳國至立孫莽敗迺絕





兩轡軒印攷漫存

卷七

三三

右印文曰王禁之印按漢書元皇后傳禁字穉君少學法律有大志不修廉隅生四女八男長女君俠次政君即元后也又外戚恩澤表陽平頃侯王禁以皇后父侯二千六百戶子鳳以大將軍益封五千四百戶凡八千戶


兩疊軒印攷漫存 卷八




兩疊軒印攷漫存

卷八

右印文曰王仁印按王仁平阿侯譚子譚薨嗣侯見元皇
后傳又晉書王祥傳亦有王仁





兩轡軒印攷漫存

卷八

二

右印文曰王安之印按漢書王商傳商薨有司奏商罪過
未決請除國邑有詔長子安嗣爵爲樂昌侯至長樂衛尉
光祿勳元始中王莽爲安漢公誅不附已者樂昌侯安見
被以罪自殺國除



兩疊軒印攷漫存

卷八

三

右印文曰王禹私印按王禹初爲濟北王太醫復就太倉
公學數歲悉通之知名漢代



兩龔軒印攷漫存

卷八

四

右印文曰劉寶私印技劉寶廣陵厲王胥第三子附見胥傳





兩齋軒印攷漫存

卷八

五

右印文曰鄭崇私印按鄭崇字子游本高密大族少爲郡
文學史至丞相大車屬哀帝擢爲尙書僕射數求見上諫
爭上初納用之每見曳革履上笑曰我識鄭尙書履聲後
因諫見疏尙書令趙昌佞關素害崇奏崇與宗族通疑有
姦請治上責崇君門如市人何以欲禁切主上崇對曰臣
門如市臣心如水願得考覆上怒下崇獄窮治死獄中

兩轡軒印攷漫存

卷八

六

右印文曰丁憲私印按漢書外戚傳哀帝母丁太后叔父
憲望望爲左將軍憲爲太僕





兩疊軒印攷漫存

卷八

七

右印文曰周恭私印按漢書周勃傳平帝元始二年繼絕
世復封勃玄孫之子恭爲絳侯千戶





兩鬯軒印攷漫存

卷八

八

右印文曰王崇私印按王崇駿之子吉之孫也以父任爲
郎厯刺史郡守治有能名建平三年以河南太守徵入爲
御史大夫因事左遷爲大司農後徙衛尉左將軍平帝卽
位王莽秉政代彭宣爲大司空封扶平侯歲謝病乞骸骨
皆避王莽莽遣就國歲餘爲傅婢所毒卒國除附見王吉
傳



兩鬢軒印文漫存 卷八

九

右印文曰王興私印按漢書王莽傳有京兆王興又晉書
王戎傳戎庶子王興



兩轡軒印攷漫存

卷八

十

右印文曰陳臨私印按陳臨爲蒼梧太守推誠而理嘗有
殺人者爲吏所獲臨知其無嗣令其妻侍獄中後產一男
郡人歌曰蒼梧府君惠及死能令死人不絕嗣見萬姓統

譜



兩轡軒印攷漫存

卷八

十一

右印文曰黃昌按黃昌字聖真會稽餘姚人仕郡爲決曹
刺史行部見昌甚竒之辟爲從事後拜宛令政尙嚴猛屢
遷至大司農左轉大中大夫卒於官見後漢書酷吏傳





兩轡軒印攷漫存

卷八

十一

右印文曰蘇章私印按蘇章字游卿王莽時以儒生去官
不仕附見鮑宣傳又東漢蘇章字孺文扶風平陵人山左
金石志亦載此印



兩轡軒印攷漫存

卷八

十三


右印文曰宋弘之印按宋弘字仲子京兆長安人哀平間
作治中王莽時爲共工


莽改少府曰共工

赤眉入長安遣使徵弘

逼迫不得已行至渭橋自投於水家人救得出困伴死獲
免光武即位徵拜太中大夫建武二年代王梁爲大司空

封桐邑侯詳見後漢書列傳





兩鬢軒印文漫存

卷八

十四

右印文曰張宗私印按張宗字諸君南陽魯陽人大司徒
鄧禹西征定河東宗詣禹自歸禹聞宗數多權謀迺表爲
偏將軍鄧禹徵還光武以宗爲京輔都尉遷河南都尉建
武六年都尉官省拜太中大夫後遷琅瑯相其政好嚴猛
敢殺伐永平二年卒於官戰績詳後漢書列傳



兩龔軒印攷漫存

卷八

十五

右印文曰張况私印按後漢書張禹傳禹祖父况族姊爲
皇祖考夫人光武爲大司馬過邯鄲况爲郡吏謁見光武
大喜曰乃今得我大舅乎因與俱北到高邑以爲元氏令
遷琢郡太守後爲常山關長會赤眉攻關城况戰沒


兩轡軒印攷漫存

卷八

十六

右印文曰李忠按李忠字仲都東萊黃人父爲高密都尉
忠元始中以父任爲郎署中數十人而忠獨以好禮修整
稱後從光武攻下屬縣建武二年積官封中水侯徵拜五
官中郎將遷丹陽太守十四年三公奏課爲天下第一遷
豫章太守病去官徵詣京師十九年卒後漢書有傳





兩龔軒印攷漫存

卷八

十七

右印文曰李封私印按建武中鄭興陳元傳春秋左氏學
時尙書令韓歆上疏欲爲左氏立博士范升與歆爭之未
決陳元上書訟左氏遂以魏郡李封爲左氏博士後羣儒
蔽固者數廷爭之及封卒尤武重違衆議因不復補見後
漢書儒林傳



兩鬯軒印攷漫存

卷八

十八

右印文曰吳良按吳良字大儀齊國臨淄人以東平王倉
薦爲議郎每處大議輒據經典不希旨偶俗以微時譽後
坐事免復拜議郎卒於官後漢書有傳

兩巽軒印攷漫存

卷八

十九

右印文曰任安按任安字孟祖廣漢緜竹人少遊太學受
孟氏易兼通數經又從同郡楊厚學圖讖究極其術見後
漢書儒林傳





兩轡軒印攷漫存

卷八

二十

右印文曰王昌私印按通鑑王莽居攝二年拜其黨親中
少府建威侯王昌爲中堅將軍又晉永嘉六年十二月王
浚遣督護王昌帥諸軍及遼西公段疾陸眷等攻石勒於
襄國周書亦有王昌附勇傳自無名官至大將軍



兩疊軒印攷漫存

卷八

三

右印文曰陳充印按隸釋第十七卷吉成侯州輔碑陰有
郎中陳充廣世洪氏謂州姓見於史策者甚鮮



兩鬯軒印攷漫存

卷八

三

右印文曰孫遷私印按漢書外戚恩澤侯表定鄉侯孫遷
與劉歆孔永平宴治明堂辟雍功侯各千戶


兩壘軒印攷漫存

卷八

二十三

右印文曰張合私印按隸釋熹平三年繁陽令楊君碑陰
有故主簿張合字元考





兩龔軒印攷漫存

卷九

右印文曰馬弘之印按隸釋靈帝光和四年敕阮君神祠
碑陰三百四十二人磨滅不可見者三十餘中有馬弘字
阿買洪氏謂字其名而繫以阿字必編戶小民未嘗表其
德猶今閭巷之婦以阿挈其姓也余謂漢魏兩晉間以阿
字繫其名者如阮籍稱王戎爲阿戎於史屢見不僅編戶
小民也




兩轡軒印成漫存

卷九

二

右印文曰王宏私印按王宏字長文少有氣力不拘細行
初爲宏農太守威動隣界王允秉政以同郡宋翼爲左馮
翊以宏爲右扶風李傕等欲殺允懼二郡爲患乃先徵翼
宏宏遣使謂翼曰郭汜李傕以我二人在外故未危王公
今日就徵明日俱族計將安出翼曰雖禍福難量然王命
所不得避也宏曰義兵鼎沸在於董卓況其黨羽乎若舉
兵共討君側惡人山東必應之此轉禍爲福之計也翼不
從宏不能獨立遂俱就徵下廷尉傕乃收允及宏并殺之
宏臨命詆曰宋翼豎儒不足議大計語在後漢書王允傳
又晉書良吏傳有王宏字正宗高平人魏侍中祭之從孫



兩鼻軒印攷漫存

卷九

三

右印文曰王智按東漢蔡邕以罪居五原安陽縣會赦還
本郡五原太守王智餞之酒酣智起舞屬邕邕不爲報見
蔡邕本傳又宋書亦有王智附王景文傳景文伯父官五
兵尙書晉陵太守封建甯縣五等子



兩疊軒印攻漫存

卷九

四

右印文曰王脩按王脩字叔治北海營陵人初平中北海
孔融召以爲主簿守高密令豪彊懾服頃之郡中有反者
脩聞融有難夜往奔融賊初發融謂左右曰能冒難來唯
王脩耳言終而脩至表譚在青州辟脩爲治中從事別駕
太祖破鄴籍沒審配等家財貨物以萬數及破南皮閱脩
家穀不滿十斛有書數百卷太祖歎曰士不妄有名乃禮
辟爲司空掾行司金中郎將遷魏郡太守三國志魏書有
傳

兩鬯軒印文漫存

卷九

五

右印文曰廖立按廖立字公淵武陵臨沅人先主領荊州
牧辟爲從事年未三十擢爲長沙太守三國志蜀書有傳



右印文曰孫登按孫登字公和汲郡共人也無家屬於郡
北山爲土窟居之夏則編草爲裳冬則被髮自覆好讀易
撫七弦琴性無恚怒人或投之水中欲觀其怒登旣出便
大笑文帝使阮籍往觀旣見與語亦不應稽康又從之遊
三年問其所圖終不答康每歎息將別謂曰先生竟無言
乎登乃曰子才多識寡難乎免於今之世矣康不能用果
遭非命登後竟不知所終見晉書隱逸傳





兩鬯軒印攷漫存

卷九

七

右印文曰杜慶私印慶字公良善鍾律絲竹八音靡所不能紹復先代古樂復爲大樂令協律都尉詳見萬姓統譜

兩轡軒印攷漫存

卷九

八

右印文曰陳壽私印按陳壽字承祚巴西安漢人少好學
師事同郡譙周仕宦爲觀閣令史後爲杜預薦入魏授御
史治書撰魏吳蜀三國志凡六十五篇又撰古國志五十
篇益都耆舊傳十篇詳見晉書本傳



兩轡軒印攷漫存

卷九

九

右印文曰李福按潁川太守李福見晉哀帝興甯二年通鑑卷一百一





兩疊軒印攷漫存

卷九

十



右印文曰張祐印信按宋書王歆之傳高平張祐與北地
傅僧祐潁川陳珉竝以吏才見知祐祖父湛晉孝武世以
才學爲中書侍郎光祿勳祐歷官臨安武康錢唐令竝著
能名宋世言長吏者以三人爲首

兩鼻軒印攷漫存

卷九

十一

右印文曰王安世印按魏書安世爲符堅丞相王猛之玄孫歷涉書傳自羽林監稍遷安西將軍北華州刺史卒贈本將軍梁州刺史





兩魯軒印攷漫存

卷九

十二

右印文曰李寶私印按李寶字懷素小字衍孫隴西狄道人官至外都大官轉鎮南將軍并州刺史還除內都大官改授鎮北將軍卒諡曰宣魏書有傳

兩疊軒印攷漫存

卷九

十三

右印文曰王昭私印按王昭字仲亮少好儒術又頗以武
藝自許性敦篤以友弟知名卒於考功郎中附見北史王
昕傳



兩轡軒印攻漫存

卷九

十四

右印文曰王則按王則字元軌太原人少驍果有武藝天
平初爲荊州刺史邊人畏服武定七年春卒贈青齊二州
軍事司空青州刺史諡曰烈懿北齊書有傳



兩晷軒印攷漫存

卷九

十五

右印文曰李吉私印按李吉隴西成紀人大將軍原州刺史賢子兄端弟崇孝軌詢父子兄弟俱列顯爵冠冕之盛當時莫比附見周書李賢傳



兩疊軒印攷漫存

卷九

十六

右印文曰趙武私印按周書趙肅傳肅字慶雍河南洛陽
人世居河西及沮渠氏滅曾祖武始歸於魏賜爵金城侯
此趙武疑卽其人也





兩鼻軒印攷漫存

卷九

十七

右印文曰楊猛印信按周書楊擿傳擿祖貴父猛並爲縣令又云擿父猛先爲邵泉令又隋書滕穆王子綸弟猛字武籛






兩魯軒印攻漫存

卷九

十八

右印文曰楊弘之印按楊弘字辟惡隋高祖從祖弟也拜
河間王初拜靈州總管進位上柱國弘在州治尙清淨甚
有恩惠未幾拜蒲州刺史時河東多盜民不得安弘奏爲
盜者百餘人投之邊裔州境帖然號爲良吏隋書有傳



兩疊軒印攷漫存

卷九

十九

右印文曰王胄印信按王胄字承基琅邪臨沂人少有逸才所箸詞賦多行於世北史文苑隋書文學俱有傳



